

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 439516 23 St
Tuzla, 28.04.2023.godine

Općinski sud u Tuzli, sudija Antonela Đaković, kao stečajni sudija, odlučujući o prijedlogu za otvaranje stečajnog postupka nad imovinom dužnika „MENSGRADNJA“ d.o.o. Sapna, Kraljevići bb, van ročišta donio je dana 28.04.2023.godine sljedeće:

RJEŠENJE

POZIVAJU SE povjerioci i sva zainteresovana lica da u roku od 30 (trideset) dana od dana objave prepisa rješenja, predlaže sudu otvaranje stečajnog postupka nad imovinom dužnika „MENSGRADNJA“ d.o.o. Sapna, Kraljevići bb, izvrše uplatu predujma iznosa od 4.000,00 KM, na ime troškova stečajnog postupka na žiro-račun Suda, broj: 132-100-03091233-91 NLB d.d. BiH, te da dokaz o izvršenoj uplati dostave sudu pozivom na broj predmeta.

Ukoliko povjerioci ili neko od zainteresovanih lica ne predlaže otvaranje stečajnog postupka uz uplatu naloženog iznos predujma u ostavljenom roku uz dostavu dokaza o uplati sudu pozivom na broj predmeta, sud će o prijedlogu za otvaranje stečajnog postupka odlučiti u skladu sa odredbama Zakona o stečaju.

Obrazloženje

Rješenjem ovog suda 16.03.2023.godine pokrenut je prethodni postupak za utvrđivanje uslova za otvaranje stečajnog postupka nad imovinom dužnika „MENSGRADNJA“ d.o.o. Sapna, Kraljevići bb, a za privremenog stečajnog upravnika imenovan je Besim Hamidović iz Zvornika.

Na ročištu za ispitivanje uslova za otvaranje stečajnog postupka dana 28.04.2023.godine privremeni stečajni upravnik je pojasnio svoj izvještaj koji je dostavio u spis suda dana 14.04.2023.godine. Na osnovu izvještaja privremenog stečajnog upravnika i izjave stečajnog upravnika na ročištu za ispitivanje uslova za otvaranje stečajnog postupka, sud je zaključio da društvo dužnika ne posluje duži vremenski period, nema uposlenika, da je račun kod poslovne banke duži vremenski period blokiran, da ne posjeduje pokretnu imovinu, kao ni nepokretnu imovinu, odnosno da ne postoje imovina i potraživanja iz kojih bi se mogle izmiriti obaveze društva. U pogledu obaveza društva stečajni upravnik j utvrdio da se iste odnose na poreze i doprinose, dakle društvo ima dugovanja prema Poreznoj upravi FBiH.

Prema izvještaju privremenog stečajnog upravnika dostavljenom sudu koji je obrazložen na ročištu, proizilazi jasan zaključak da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban, trenutno nije likvidan niti solventan, jer ne može izmiriti svoje obaveze, pa su time ispunjene pretpostavke za pokretanje stečajnog postupka nad stečajnim dužnikom „MULTAN“ d.o.o. za trgovinu i usluge Sapna, Sapna bb, na osnovu čl. 6. st. 1. i 2. Zakona o stečaju („Sl Novine“, FBiH broj 53/2021).

Prema nalazu i mišljenju privremenog stečajnog upravnika, predumljeni troškovi za provođenje prethodnog postupka u iznosu od 3.000,00 KM, nisu dovoljni i za podmirenje troškova stečajnog postupka, pa je privremeni stečajni upravitelj predložio sudu da donese

rješenje o uplati dodatnog iznosa sredstava na ime predujma za troškove provođenja stečajnog postupka. Navedeni iznos je potreban radi finansiranja troškova stečajnog postupka, a koji troškovi se sastoje od nagrade za rad stečajnog upravnika, materijalnih troškova stečajnog upravnika, troškova računovodstva i administrativnih poslova, i drugih troškova.

Obzirom da prema navodima privremenog stečajnog upravnika u skladu sa provedenim prethodnim postupkom je utvrđeno da dužnik nema imovine i sredstava za finansiranje stečajnog postupka sem u dijelu iznosa koji preostane nakon provedenog prethodnog postupka, to je sud pozvao povjerioci i sva zainteresovana lica da izvrši uplatu predujma u visini od 4.000,00 KM, radi finansiranja troškova stečajnog postupka temeljem odredbe čl. 102. st. 7. Zakona o stečaju.

Ukoliko stečajni dužnik povjerioci ili neko od zainteresovanih lica u ostavljenom roku ne izvrši uplatu predujma troškova za vođenje stečajnog postupka sud će otvoriti stečajni postupak i odmah ga zaključiti u skladu sa čl. 102. st. 8. Zakona o stečaju.

Odluka o javnom oglašavanju putem oglasne ploče suda, WEB stranice Općinskog suda u Tuzli i javnog objavljivanja u Sl. Novina FBiH, zasniva se na odredbi člana 103. stav 8. Zakona o stečaju.

SUDIJA

Antonela Đaković

POUKA O PRAVNOM LIJEKU: Protiv ovog rješenja nije dozvoljena žalba.